

撫梁疏稿卷之三目錄

催解免差等銀助工疏

賑過陳留等縣饑民疏

方面官員給繇疏

方面官員患病乞休疏

就近陞補管河道臣疏

續進助工銀兩疏

報解府州縣公費銀兩疏

報解撥括無礙銀兩疏



報解士夫捐助銀兩疏

叅罰屯糧不及分數官員疏

裁革內鄉縣丞疏

豁除潁川衛運軍疏

解進年例贓罰疏

縣官給繇疏

府佐給繇疏

回報兵餉原非雜項并陳始末緣繇疏

續解助工銀兩疏

撫梁疏稿卷之三

魏博郭增光著

催解免差等銀助工疏

題爲速催免差銀兩以助

大工事案照先准工部咨內開各州縣有願免雜泛
差役許納貲給劄遙授冠帶加文思院大使及
副使職銜每州縣限定六名不願者聽題奉
欽依備咨前來已經案行布政司轉行所屬召納去
後今據該司左布政使王從義呈稱查得中州

連歲災沴民鮮蓋藏素封之家亦無幾矣遙授
之劄非奉本院之指揮本司與郡邑奉行鼓舞
曷能得濟其事先次已完解銀四千兩今又收
過銀三千八百四十兩及續收過充附銀五千
八百五十兩河內縣城池租稅銀二兩九錢四
分五釐五六兩年稅契銀一千二兩八錢五分
三釐六毫南陽衛吏書輸納項首銀三十八兩
周鄭唐崇四王府長史司吏書輸納項首共銀五
十八兩河內縣店戶輸助銀六兩庫夫馬夫贖

役銀五兩八錢懷慶府當舖免差輸銀九十八
兩五錢五分三釐三毫三絲南陽府當舖免差
輸銀七十三兩

廬江王輸銀十兩

東垣王輸銀四兩

繁昌王輸銀二十兩彰德府屬加鹽引銀二百六
十兩五錢南陽府屬加鹽引銀一百六十三兩
六錢開封府屬雜支公用銀四百七十二兩六
錢二分一釐五絲衛輝府屬雜支公用銀一千

二百一兩五錢開封等府及汝州所屬原裁各
役工食銀通共一千六百一十兩五錢一分五
毫六絲二忽開封府解到犯官陳懷忠紙罪贓
銀五十五兩二錢五分祥符縣解到犯官薛未
寧紙罪銀三兩二錢五分光州解到犯官霍振
芳紙罪銀十二兩七錢五分固始縣解到犯官
余思明紙罪銀十二兩七錢五分以上通共銀
一萬四千八百一兩八錢八分三釐五毫四絲
二忽見貯司庫俱係應解助工合行委官起解

查有涪川縣主簿譚應表尉氏縣典史馮承志
管解京邊堪可順齋等因具呈到臣該臣會同
巡按河南監察御史鮑 看得

殿工將竣需費正殷臣等仰遵

廟謨敢不蹶趨從事如例被免差一項博冠裳之榮
免雜泛之役孰不樂從而願納哉惟是兩河災
沴頻仍殷實寥寥罕有起而應者臣等與司臣
殫心計畫百方招徠人始樂就前次已解銀四
千兩今又收銀三千八百四十兩又該司續收

貯雜項銀一萬九百六十一兩八錢八分三釐
五毫四絲二忽總計見銀一萬四千八百一兩
八錢八分三釐五毫四絲二忽雖涓滴之微無
裨

大工萬一亦臣等與司臣王從義凜凜奉公不敢稍
懈之一念也其前銀該司傾鎔成錠已付涓川
縣主簿譚應表尉氏縣典史馮承志領解前赴
工所交納外合行具

題伏乞

知
初下該部俟銀解到之日照數查收施行謹具題

天啓七年五月二十六日具題奉

聖旨這免差納附輸助等銀共一萬四千八百餘兩
具見協力急公俟解到日監部科道照數查收以
助大工該部知道

賑過陳留等縣饑民疏

奏為欽奉

聖諭事據河南布政使司呈據開封等府申報被災
陳留等四十三州縣動支過在倉穀米銅錢數
目賑濟過貧生貧民名口造冊到司類造呈報
到臣案照先准戶部咨該本部都察院奉

上傳於

會極門恭接司禮監太監王體乾等傳出

聖諭今歲自春至秋水旱疊至災異竝臻五穀不登

以致閭閻困乏見今近畿一帶黎民不勝寒餒而食甚不足或流莩道路或就食京師鵠形鱗集號泣嗷嗷朕甚憫焉今特發御前節省銀六千兩著順天府分給宛大兩縣鬻鬻賑救務在均霑你戶部都察院卽行文各省直災困處所亟行設法賑濟其賑過若干所費若干俱限明年春暖之時開冊奏報以昭朕敬

天法

祖視民如傷一體軫恤至意特諭欽此備咨前來卽行布政司轉行各屬遵行間又准戶部咨爲進

繳

聖諭事該本部會同都察院題奉

聖旨天寒饑民可憫徐部院旣奉諭劄行順天府領出御前銀兩卽著宛大二縣限三日內煮粥賑濟務期設法均沾并星速咨行各省直撫按官將災困處所一體賑恤完日冊報以慰朕軫念窮黎至意欽此又咨到臣俱經遵行去後今據前因該臣會同巡按河南監察御史鮑爲照咨歲中

州始而旱繼而水又繼而蝗三災疊至殘喘予
遺蓋岌岌乎朝不保夕矣臣先以災傷具

題隨經按臣楊 勘明覆

題迨臣以謁

王之役馳驅雒陽道經鄆榮等處見煙爨寥寥閭
井蕭條面貌鰥黑鶻衣百結之民攜妻子於墟
落間刮樹皮剝草根望臣輿而啼號者踵相接
也臣不覺惻然淚下急檄所司多方賑濟而文
動臣衙門自理贖緩置造綿衣散以蔽體禦

矣蒙

皇上軫念元元廣布

慈仁

渙發帑金賑濟

輦轂下饑民又今省直災困處所設法賑濟是

皇上好生之德覃敷遐邇真

大造陽春不遺窮谷者也臣叨膺樞綬之責敢不仰

體

皇仁殫精從事隨卽檄行司道轉行州縣動支倉穀

碾米設廠煮粥賑濟又嚴諭府縣正官躬親料理注意稽查務使一顆一粒俱入貧民之口今照天氣融和所司報竣計所存活者一十一萬八千五百七十八名口若此種種災黎皆我皇上再造之也卽唐虞三代仁聖之主何以加焉僻邑遐陬悉歡欣鼓舞祝頌

聖躬未綿萬壽之期益叶多男之慶所有該司送來用過穀米銅錢數目賑過名口文冊謹具奏

聞

天啓七年六月十六日具奏奉

聖旨戶部知道

方面官員給繇疏

題爲保留給繇方面官員事據河南按察司呈蒙
臣批據河南布政使司呈准本司左布政使王
從義咨照得本職見年四十五歲山西大同府
大同縣人繇進士萬曆五十七年正月內除授
大理寺左評事丁憂復補本寺左評事陞戶部
雲南司主事陞本司員外郎丁憂復補本部山
東司員外郎陞本部浙江司郎中陞山東東昌
府知府陞本省按察司副使分守東兗道陞河

南布政司右叅政督糧道天啓四年正月內吏部覆叙山東平妖捷功加陞本省右布政使仍管督糧道本年五月初三日到任十一月內以原官調補山東分巡充東兵河道十二月初十日到任六年四月內陞授今職本年六月十二日到任扣至天啓七年四月初二日連前三任連閏共歷俸三十六箇月三年任滿例應給繇合咨本司轉達等因具呈照詳蒙批仰按察司會同該司查報又據本司經歷司呈抄蒙巡按

河南監察鮑御史批據該司經歷司呈同前錄蒙批按察司查報依蒙會查得布政司左布政使王從義三任三年經手一應各項京邊錢糧并清理軍匠俱已督催所屬完解取獲批收關單附卷奉到勘合及批發詞詳俱各依期完結竝無黏帶不了事件及查前任山東因道屬天啓五年分太倉錢糧未曾到部以致計筭未及分數住俸督催嗣後差官黃一鵬等解部訖隨該山東撫院查明移咨戶部於天啓六年十一

月初十日題奉

欽依准與開復原俸訖此外再無別項公私過名違礙等項情弊例應給繇該本司按察使蔣士忠議照布政司左布政使王從義皎皎冰壺氣槩恢恢芒刃才猷秉憲東齊駿業已高於戡定持籌中土鴻名益重於藩垣品重建牙望高調鼎稱職三任通計三年任內並無違礙例應赴京給繇但本官管鑰通省凡一切京邊存運遼餉宗祿等項錢糧俱繇綜理事務繁多關係甚大

合無軫念地方重寄俯將本官照例保留等因具呈到臣該臣會同巡按河南監察御史鮑

議照河南布政使司左布政使王從義丰標

玉潤珠輝識力淵澄嶽峙百僚儀表萬彙幘幪稱職茲當報滿例應赴京給繇第本官職任總司統轄全省凡錢糧新餉之督徵吏治民生之綜理且科場屆期提調諸務咸依賴焉委難離任既經按察司會同該司覈實議呈前來相應照例保留除批行該司行令本官接俸管事外

伏乞

勅下吏戶貳部再加查議准令本官在任管事將任
內行過事蹟及祖父來歷各另造冊差人齎繳
本部照例考覈題

請復職再照本官金相玉質粹品經文緯武通才三
齊戡定功高兩河持籌績茂至若徵解獨先則
本官桔槔之勞難泯助工更多則本官急公之
義堪嘉保釐旣最節鉞宜及似應首推
特簡以爲勞臣勸者也

天啓七年七月初十日具題奉

聖旨該部知道

方面官員患病乞休疏

題爲方面官員患病不能供職懇乞

聖明俯容休致事據河南布政使司呈蒙臣批據按察司管理河道副使瞿士達呈稱職積病已久一發莫支前呈情迫詞窮茲蒙諭留敢不仰體但職癰腫支離僅存餘息延醫調治僉謂病入膏肓豈旦夕可愈若不自量冒昧前來曠官溺職取戾滋甚萬懇本院俯念苦情不敢毫忽假飾卽下所司勘明欺罔甘受厥罰早賜

題一日卽受一日之賜儻延一息奚啻再生等情
蒙批該道請告已批勉留矣何爲又有此呈仰
布政司會同按察司查報依蒙移文按察司會
議去後今准該司牒稱案牘先蒙本院批據瞿
副使呈爲病苦萬難供職地方曠廢可虞懇乞
代

題出缺容令休致以延殘喘事蒙批該道品望兼
隆河務繁劇正藉長才料理卽偶感微恙調攝
自愈何遽以休致請耶仰按察司差人勉諭稍

可卽速赴任勿負上下之望繳又據本司經歷
司呈抄蒙巡按河南監察鮑御史批據該道呈
同前事蒙批該道鴻才偉抱河務倚賴正殷卽
稍有違和自當勿藥何屢爲請耶按察司慰勉
赴任繳業經差人復催去後今准前因該本司
會看得新任河道瞿副使之屢以病呈也屢蒙
兩院慰留無非憐其才爲河防計耳竊意人臣

許

國先

君後身而賢者赴公讓夷急病該道昔涖開封業踰
三載仔肩百務事不憚於馳驅精白一心力已
闡於批導積勞不已二豎見侵初亦欲支撐病
骨勉爲就道之謀旣而病勢沉綿遂動拂衣之
念詢之差使皆云日臥牀褥醫藥不靈歷歷能
道其詳者觀其拳拳一念旣不能以抱疴問藥
之身上酬知遇又不敢以旦晚難痊之病滋誤
河防故情迫呼天惟求休致然情出於繇衷勢
必難於勸挽卽數四敦促徒費公移合無備從
所請暫准養疾俟病痊之日赴部聽補庶本官
獲遂投林之願亦不負兩院憐才之心矣等因
牒司該本司會看得新任管河道瞿副使曩以
治郡功高陞補該道詎意勞瘁積久疾病侵尋
始欲勉爲就道葵藿輸忱繼而病骨難支專鱸
動念致塵院檄慰留又經臬司敦促而該道病
苦情真堅意懇辭終難挽林壑之思似宜遂養
痾之願合無呈乞本院特爲具

題暫准在籍調理俟痊可之日赴部聽補等因具

呈到臣查得吏部題

在事例內開方面官員患病乞休撫按具

奏才力可惜者量擬病痊之日撫按奏

請錄用等因通行在卷及查先據本官具呈患病批

今調理又批按察司勉諭及據三次病呈隨經

批行兩司會查去後今據前因該臣會同總理

河道太子太保工部尚書李 巡按河南監

察御史鮑 看得管理河道副使瞿士達介

執性生擔當力銳名久著於治郡譽新隆於分

臬士民正切雲霓之望本官忽抱霜露之憂勉

慰至再乞休愈堅既經兩司查非假飾似宜俯

從相應照例題

請伏乞

勅下吏部再加查議上

請將副使瞿士達准令致仕在籍調理惟復念其年

方青壯才更優長遽爾投閒不無可惜候病痊

之日聽彼處撫按薦舉錄用至於該道事務秋

防爲急所遺員缺勢難以待應於本省監司就

近陞補容臣等另疏仰瀆

宸衷庶河務不致曠廢而本官亦得調理矣

天啓七年七月初十日具題奉

聖旨吏部知道

就近陞補管河道臣疏

題爲河防重務監司員缺懇乞

聖明俯賜就近陞補以順輿情以重地方事據河南
布政使司呈蒙臣批據省城五所鄉約士民周
加言等連名呈爲保留賢能方面官員加銜久
任以重地方事呈稱竊照汴當孔道軍民叢集
惟賴兵道鎮壓今陳叅政才高山斗品重圭璋
恩流寒谷生春威懾四境絕警軍民人等孰不
被德孰不仰望忽聞推陞在卽士民如失所天

叩懇本院上為

朝廷重屏翰下為生民存保障俯賜

題留加銜久任以鎮地方庶重地可保無虞矣等
情又據各營中軍守備千把總等官王養民等
宣武衛指揮等官孫謀等汝南二衛班軍官總
周化龍等夜巡官總王耀龍等圍宿官兵蔡守
印等城兵劉銀等大梁驛馬頭張書紳等各具
呈稟保留賢憲加銜久任以鎮地方以慰輿情
事等情各粘連蒙批仰布政司會同按察司查

議報蒙此又據本司經歷司呈抄蒙巡按河
監察鮑御史批據士民官兵各呈稟同前情蒙
批布政司會同按察司查報抄呈到司俱經移
文按察司覆議去後今准該司牒稱看得河防
重寄總理惟艱况在中州而孟津諸澤又為魏
南一巨浸焉目今夏水時至百澮灌盈菴花漲
滿河千竹箭駛浮鮫室湖泮之勢與衝激之形
料理真時刻不可緩也第一云料理而一切築
塞之工程錢糧之會計總於管河官是賴而新

任河道瞿副使既係真病已無入汴之期必待部推又有望梅之歎而况道里之遠近涖任之淹速動經歲月恐無濟於燃眉也及查該道印務見今兵備道陳叅政兼攝本官品望嶙峋才猷超卓勤組練而士馬飽騰飭郵傳而輪軒清肅昨陪淮徐憲使而軍民如失所天保留者環門泣訴萬口一詞資俸既已屆期民情又復爾爾委宜加銜久任且歷掌河防功勞茂著與其順輿情而加新銜仍管河道事務何若就近

題補管河道加銜按察使不惟駕輕就熟抑且朝奉

命而夕受事其慰士民之望河務之裨兩得之矣等因牒司該本司會看得黃河爲害中州當其要衝而築塞修防亟欲得人綜理每歲自春水方生以迄伏秋漲發百川灌溉淤徙靡常巨浪衝天驚濤奔湍爭流汜濫激齧洶湧修築隄壩料理工程與夫會計錢糧措辦埽料最屬目前喫緊新任河道瞿副使病真情苦抵任無期若候

部推別省人地未必相宜豈能旦夕猝至今照
兵備道陳叅政命世經綸濟川舟楫詰戎飭驛
茂著奇勳督離修屯綽有成績且見攝河道印
務措置得宜河務振舉頃緣陪推淮徐道人思
借寇懇訴保留加銜久任儻如該司所議就近
題陞管河道加按察使職銜則人心順而上下相
安朝受

命而夕可任事既有駕輕就熟之便又無送在迎來
之苦計無便於此者合無呈乞特爲具

題陞補庶輿論允協而河防大有賴矣等因具呈
到臣簿查先據各營官兵及士民呈保前來已
經批行兩司查議去後今據前因該臣會同總
理河道太子太保工部尚書李 巡按河南
監察御史鮑 看得保留之舉近來已成濫

套臣等素嚴禁厭聞至如自士民武弁下及驛
夫走卒無不連章累牘萬口一詞奔走泣籲惶
惶若失怙恃此其情自與尋常不同而臣等目
擊輿情亦有難付之不理者清軍兵備道叅政

陳其猷真品真才實心實政育中經綸素裕民
間利病悉知詰戎飭驛督鹹修屯無不以赤心
白意行之以故官民相孚一聞陪推徐淮之報
若嬰兒之失慈母莫能旦夕離也第本官去年
荷蒙
聖慈鑒允加銜留任若再

請加銜固非本官所安而臣等亦不敢過爲聒
瀆惟是百姓借寇之心甚殷板輅之念無已欲拂而
不可得也今查管河道副使瞿士達病勢難

臣等覆查已真業經另疏題

請本官休致方今河勢洶湧衝決靡常一切修築料
理旦夕不可缺人若俟部除卽奉有

俞旨豈能一蹴卽至况於河務未必遽熟練而周知
也臣等反覆思維合無將陳其猷卽陞管河員
缺似爲相應繇治兵而治河於地不移朝聞
命而夕視事一便也本官見攝河務料理措置具有
成筭駕輕就熟二便也旣不拂民之望且有裨
於河防三便也據兩司之會議採輿論之僉同

洵無如此之便者臣等故敢冒昧奏

聞伏乞

皇上軫念海防重務需人甚亟

勅下吏部再加查議如果臣等所言不謬

請將右叅政陳其猷陞以應得按察使職銜管理河道事務令其刻期到任料理所遺兵備道員缺另行推補庶人地相宜而河工其克有濟矣

天啓七年七月十三日具題奉

聖旨吏部知道

續進助工銀兩疏

奏爲續

進助工銀兩事竊惟

皇極落成已肅萬國觀瞻頃

建中兩殿聞亦將次第報完第需用正殷百工子來微臣區區一念有不敢後於諸臣者業於履任之初捐俸銀二百兩又於去冬一次進微貲銀四千四百六十兩又於今春解節省各項銀一萬二千二百一十七兩又於五月內報解免差

事例等項銀一萬四千八百餘兩屢荷
皇上不以纖塵之瑣

瀆每賜急公之

溫綸臣愈切惶悚苟可竭夫涓埃庸敢惜心力乎隨
於臣衙門中有應省可那用者多方撙節加意
按求查有操賞支剩銀一千五百三十五兩營
兵小月事故扣還銀九百二十兩又各屬徒杖
加責人犯情願辦納硝黃者聽從其便收作
藥之用一年之中節省買硝黃銀七百五十二

兵營馬匹舊係官買各兵怠於餵養往往多有
倒損特發價令各兵自買自養倒損日少省正
項銀一千九百四十五兩營中器械臣閱操見
堅銳堪用另置徒費節省銀九百七十三兩又
從循環文冊查得臣衙門有節年備賑之穀陳
積腐朽僅留一半備賑一半糶價積餘銀二千
一百三十兩又節省捲梢支剩銀四百七兩又
開封等府支剩行穀銀三千三百四十七兩通
共計得銀一萬二千七兩相應解助

大工之需極知滴露輕塵無補高深之毫末而銖積寸累少效芹曝之微忱此臣犬馬一念所不能自已者其銀兩已檄布政司鎔成錠數委官馳解工所交納外合行具

奏伏乞

勅下該衙門俟銀解到之日照數查收施行

天啓七年七月十六日具奏奉

聖旨續進銀兩助建具見急公俟解到日着監部科道照數查收該部知道

報解府州縣公費銀兩疏

題爲催解派定銀兩以濟

大工事案照先准工部咨內開扣解公費各省直大府每年四百兩中府三百二十兩各州及大縣每年三百兩中縣二百二十兩小縣一百二十兩各解部助工工完停止等因題奉

欽依移咨前來已經案行布政司轉行所屬各府州縣遵將天啓五六兩年俱已解完外今照天啓七年應解銀兩臣等預行催解去後今據該司

呈稱府州縣應解公費銀兩助工本司遵奉本院憲牌備撥開封等八府汝州今解到司共銀二萬六千五百二十兩相應起解等因具呈到臣該臣會同巡按河南監察御史鮑 看得

兩殿繼建經費尚繁兩河有司同心急公畢力節省今將七年額派俱已解完雖郡邑各官涓滴自效之意亦臣等與司臣督率靡懈區區之微涓耳其銀二萬六千五百二十兩已令該司委起解工所交納各官職名銀數造冊送部查

外相應具

題伏乞

勅下該衙門俟銀解到之日照數查收施行

天啓七年七月二十九日具題奉

聖旨這派定助建銀兩着監部科道照數查收該部知道

報解梭括無礙銀兩疏

題爲梭括庫貯官銀以濟

大工急需事案照先准工部咨內開各該省直撫按
凡有庫貯無礙官銀悉行查出解

進助工等因題奉

欽依移咨前來已經備行布政司轉行各屬去後今
據該司呈報本司續收過解到梭括無礙銀湯
陰縣七十四兩六錢六分四釐磁州五十七兩
八錢九分三釐安陽縣一百二十五兩三錢六

釐林縣十八兩五錢九分武安縣二百四十兩
六錢七分七釐涉縣四十二兩二錢五釐懷慶
府三兩八錢五分河南府三十三兩一錢二分
維陽縣二兩三錢八分九釐羅山縣十九兩四
錢四分南陽府一百兩南陽縣九十九兩九錢
九分四釐唐縣二十五兩泌陽縣六兩三錢七
分鎮平縣十二兩五分一釐南召縣三兩一錢
二分八釐桐柏縣十二兩九錢五釐鄧州三十
兩內鄉縣六兩二錢新野縣三十六兩九錢

分浙川縣六兩裕州九兩二錢舞陽縣七兩
縣六兩二錢七分伊陽縣十兩魯山縣十二兩
一錢六分五釐共銀一千一兩三錢六分七釐
呈乞起解等因到臣該臣會同巡按河南監察
御史鮑 看得按括帑金以濟工需奉有煌
煌

明旨臣等與司臣敢不兢業以廣按速解為念但勢
有不能一齊至者先是該司因臣等督促甚亟
於今年二月內將收過所屬解到無礙銀二千

一百十六兩零開報臣等已經類疏具

題解報訖今報續收銀一千一兩三錢六分七釐

卽令該司委官搭解工所外合行具

題伏乞

勅下該衙門俟銀解到之日照數查收施行

天啓七年七月二十九日具題奉

聖旨已有旨了該部知道

報解工夫捐助銀兩疏

題爲

宸居鼎新有期工費浩繁無措敬循職掌校勘外解
鼓鑄急公以速不日之成事案照先准工部咨
內開士夫之捐助在籍與見任同銀兩納各州
縣解布政司類解等因題奉

欽依備咨前來已經通行去後今據布政司呈稱士
夫捐助遵照兩院申飭檄行郡邑今據解到共
計銀五千九百三十四兩六錢九分合行起解

今將輸銀姓名造冊轉達等因具呈到臣該臣
會同巡按河南監察御史鮑 看得
三殿鼎建萬國欣瞻中州在籍諸臣雖力耕於南畝
皆心懸於

北闕覩茲

盛事咸抱子來今各捐輸通共銀五千九百三十四
兩六錢九分銀數多寡不同而愛

國急公則一雖曰涓滴笑禪海嶽總之畎畝難忘
君父此諸臣一念之誠慕義之切者也其銀已行該
司委官解赴工所交納外合行具

題伏乞

勅下該衙門俟銀解到之日照數查收施行

天啓七年八月初六日具題奉

聖旨這在籍諸臣捐資助建具見急公俟解到日着
監部科道照數查收該部知道

叅罰屯糧不及分數官員疏

題爲仰承

德意酌定降罰官員事例以一政體事據河南按察司屯田道右叅政陳其猷呈稱查得見徵天啓元年至五年止宣武等二十五衛所屯糧每年原額并新增夏秋麥米共三十三萬五千六十五石三斗二升九合五勺四抄二撮總計已完九分之上未完不及一分經管都司印屯官紀朝元等本道并帶管陞任叅政等官閔宗德等

及歸德睢陽等十七衛所俱全完十分宣武等
六衛所已完九分之上未完不及一分各印屯
官俱照例免叅外其未完三分之上如賴上等
衛所印屯官郭家將等八員未完二分之一如
弘農等衛所印屯官王夢麟等十三員未完一
分之上如信陽等衛所印屯官馬承祖等十九
員列應降罰住俸再查帶徵自萬曆四十五年
起至泰昌元年止除睢陽等十六衛所並無帶
徵糧銀宣武等八衛所俱已完二分各印屯官

無容別議其懷慶衛已完一分之上未完不及
一分經管印屯官沈一奎等例應奪俸半年等
因呈報到臣該臣會同巡按河南監察御史鮑
覆覈相同除陞任都司掌印兼管屯署都
指揮僉事紀朝元張夢鯉去任署都指揮僉事
周夢麟陞任帶管屯田道右叅政閔宗德潘文
調任本道副使侯國陞任本道右叅政田生芝
總計所屬衛所見徵屯糧未完不及一分歸德
等衛所全完宣武等衛所俱未完不及一分經

管印屯官俱例應免議至於帶徵已完及數如
宣武等衛所各印屯官亦當原免及查見徵未
完三分之上如潁上千戶所掌印千戶郭家將
管屯千戶高必進潁川衛掌印指揮陳善管屯
千百戶魏尚志王見賓張心學王安國吳見伯
未完二分之上如弘農衛掌印指揮王夢麟管
屯指揮辛自我潁川衛掌印指揮檀國柱管屯
千百戶魏尚志王見賓張心學段敬裕吳見伯
王安國潁上千戶所掌印千戶郭家將管屯千

戶李叢華金鴻烈弘農衛掌印指揮楊道泰管
屯指揮趙紹武未完一分之上如潁上千戶所
掌印千戶郭家將管屯千戶李叢華弘農衛掌
印指揮王夢麟楊道泰管屯指揮陳其教趙紹
武信陽衛掌印指揮馬承祖沈應高管屯指揮
陳一龍楊開泰潁川衛掌印指揮檀國柱管屯
千百戶魏尚志王見賓張心學段敬裕吳見伯
張國威陳州衛掌印指揮孫世勳管屯指揮陳
懷忠帶徵未完一分如懷慶衛掌印指揮沈一

管屯指揮薛玉光均應叅究內除千戶李叢
華病故外叅照各官職司儲蓄用懷傲惕催科
既不及額按例更有何詞既經該道查明呈報
前來相應題

請伏乞

勅下戶部再加查議將掌印管屯指揮千百戶孫世
勳馬承祖沈應高各罰俸三箇月陳懷忠張國
威陳其教陳一龍楊開泰檀國柱郭家將王慶
麟楊道泰陳善各住俸魏尚志王見賓張心學

段敬裕吳見伯王安國趙紹武金鴻烈高必進
辛自我各降俸二級沈一奎薛玉光各奪俸半
年俱戴罪督催通候完至九分以上住俸者具
題開復庶武弁知所懲戒而屯政亦有裨益矣

天啓七年九月二十一日具題奉

聖旨戶部知道

裁革內鄉縣丞疏

題爲議裁冗員以蘇民困事據河南布政使司呈
蒙臣批據分守汝南道副使周詩呈蒙本院批
詳據南陽府鄧州內鄉縣申稱本縣編戶三十
四保然山多地瘠產寡民貧空有全設之名實
無半衝之事若非逋賦沿積催督艱難卽一令
一尉儘覺從容退食惟朝挹西山之爽暮連南
海之颺而已前任主簿張克信毅然休致豈嬰
情於魚鳥耽癖於烟霞哉良以齋署寂寥窘却

仇香之路不堪方朔之饑故也大都主簿縣丞
兩員可以裁減其一割俸薪爲助餉計省官省
事深爲兩便等因具詳蒙批仰分守汝南道覆
查議報蒙此備行南陽府申行據內鄉縣申該
本縣知縣王鼎彥覆看得裁冗員一款原奉憲
檄唯是本縣山荒貧僻縣丞主簿竝設委係閒
冗可以裁減其一故敢條具酌議題

請在各院自有端詳非卑職所敢與也等因申府該
本府知府郭竹徵覆看得裁汰冗員前奉軍需

匱詘等事裁減內鄉縣縣丞一員申報未示似
宜仍裁爲便等因呈道該本道看得內鄉山僻
小縣若汰冗員則該縣縣丞自當議裁且係近
例軍需條議之內者也等因具呈蒙批仰布政
司覆議妥報依蒙該本司看得內鄉縣最爾山
城地僻事簡丞簿兩官竝設委屬冗員據議裁
減縣丞以省其費旣經道府議明相同似應准
從合候會

題等因具呈到臣該臣會同撫治鄖陽右僉都御

史梁

巡按河南監察御史鮑

看得張

官置吏原以爲民縣劇而官少則乏分理之人
縣簡而官多徒增贅員之費內鄉縣山僻小邑
無所事事一令一典僅足董理而縣丞主簿之
設不幾冗贅乎今據司道議裁縣丞一員斯事
體之無煩再計者相應准從理合會

題伏乞

勅下吏部再加查議如果臣等所言不謬合將內鄉
縣縣丞裁革未免銓補所遺俸薪及衙役工

等項用抵加餉事寧停徵庶寬一分民受一分
之賜而省一官地方亦省一官之擾矣

天啓七年九月二十一日具題奉

聖旨吏部知道

豁除潁川衛運軍疏

題爲隔省飛差紊亂

祖制懇乞

聖明俯憐無辜

勅賜撤派以遵

祖制以培

國脉事據河南按察司雖陳兵巡道右布政使張
夢鯨潁州兵備道副使劉應召會呈蒙臣等各
案驗准戶部咨雲南清吏司案呈奉本部送戶

科抄出河南潁川衛指揮使司軍張邦紳奏前
事內稱

祖宗舊制凡係河南衛所例派京操邊操二差而無
運糧南直隸衛所例派京操運糧二差而無邊
軍以西北驍勇不習水性東南澤國長於舟楫
故分地定額確有成規不可擅變者也潁川衛
雖駐設直隸潁州地方原係河南所屬舊應京
營大同薊鎮三操每年春秋輪班往來繩續歲
無寧日已苦甚難支矣先年陟被直隸鳳陽等

衛假以運累規申妄攀強將潁川衛正額
內徑撥二百五十名替伊領運船二十五隻原
約代替數年候伊衛稍覺蘇息依舊退復嗣後
潁川衛節次苦累泣蘇求改奈徐泗等衛害人
利已久假不歸未蒙改正復被揚州衛見潁川
衛孤弱易凌又將新軍三百名飛血撒派抗違
祖制坑屠孤軍等因奏奉

聖旨據奏潁川衛軍丁既有京邊兩操差役如何又
代南直運糧著戶兵二部行彼處撫按會同總漕

撫按官議妥具奏欽此欽遵備咨前來案仰本道
依蒙行據開封府呈准本府清軍同知劉從敏
關稱查看得

祖宗創立唯軍政獨重如潁川衛派京操邊操二差
鳳陽衛派京操運糧二差酌南北之風氣權水
陸之習尚未爲遵守毋相越也迨其後假以運
軍之苦申撥軍二百五十名替運船二十五隻
雖爲一時救累之計實貽數年不卸之擔不知
操舟之逸與荷戈之勞自相萬也屢經控陳業

已奉有

明綸迄今猶徂於築舍之謀同屬畫餅之計嗟嗟孤
軍何日得息肩也應與除豁酌復原派衛所撤
運庶兩軍不致獨勞獨逸法制不爲朝三暮四
於以遵

祖制而甦貧軍將在此一舉矣等因關府覆查看得
潁川衛派以京邊二操鳳陽派以京操運糧從
來分差不相假借自

祖宗立法之初蓋欲成不刊之令典不虞法以久而

成變情以窮而思通於是運軍告苦以權宜借
軍二百五十名運船二十五隻潁之二差猶在
也竢竢孤軍能堪此重困乎斯時也代軍力則
不堪弛擔勢又不能萬不得已叩

閤陳乞徼

聖鑒憐恤俯賜

俞旨迄今尚狃成例未與更始軍丁冀有瘳乎何日
之與有竊思法遵

祖制大順也治先人情至仁也嘉與豁免仍歸本衛
則兩軍之勞佚適均而

朝廷之法制畫一矣等因具呈照詳隨該本道詳批
潁川衛隸河南非直隸之屬也乃於京操邊操
外復爲鳳陽衛代運又代揚州新軍京操苦累
極矣旣非

祖制又未奉部文其應除豁豈顧問哉然屢經籲
奏而議未定者以原差未有歸着耳若但今還歸
本衛而無以處之又成築舍之謀矣今據潁州
撒派諸議似歷歷有據仰府速爲酌議孰爲長

便明白呈道以憑轉呈各院此繳依蒙行准該
衛呈稱查得本衛軍人張邦紳復奏除豁運差
情繇在直隸總漕部院案行潁州道劄行鳳陽
府帖行潁州查議該本州知州李雲看得潁川
衛自成化代運以後迄靖曆以往奏

請求豁者五控訴乞憐者三未嘗一日相安非至今

日始

奏辯也但望除者待命須臾議除者因循歲月致
逃亡殆盡皮毛兩空迫不得已軍人張邦紳又

具瀆

奏本內止言方御史曹良李崇本陳情三次者尚
有別疏未敢備詳恐以煩言瀆

聖聽耳茲奉

聖旨伏讀

德音仰見

皇上灼憐極累明示以卽當除豁無容復議矣所稱
議妥者議撤派也蓋欲以原運仍歸之原衛徒
滋道旁之築舍惟以飛運飛撤之各衛方爲案

上之斫乃合無俯將代運船二十五隻撒歸本
總鳳陽等十衛所每衛二隻大衛不過多三視
一疲衛獨支最爲稱便况去潁川衛以所本無
復鳳陽等衛以所本有不爲偏利偏害也如爲
一鳳總難支充之江北各總各衛每衛撒一庶
衆擎易舉勞逸適均如爲鳳總之運難以波及
淮揚而揚州新軍二百名久以攤之潁川衛又
可比例撒派者也如爲派之江北各衛未免愈
支旗軍議加錢糧查得潁川原代運河南輝縣

米八千石在於水次小灘交兌領運而小灘
領兌河南粟米漕船數百餘隻無如將輝縣粟
米撒派衆船每隻代運十數石如九牛之增一
毛且免定軍議餉至潁川原領漕船今查缺者
十有八九令其見船繳赴工部中都廠下缺船
遵照漕例每隻納底料銀二十四兩交解本部
庶鳳軍無加役之苦而潁軍脫水火之厄尤爲
便計也照得潁軍代運雖經百有餘年而五奏
疊有成案祇緣當日建議者移省就直通變一

時致今後來奉查者瞑目語難習安屢代今該
衛困苦疲累必欲出諸水火之中而貧軍後後
來蘇勢若等於死生之際且先年代替原未經
奏題而此日轉移獲奉有

明旨懇求豁除用復

祖制仰體上司轉圜之意益徵

王言浩蕩之恩俾漕運有畫一之規軍人無屢瀆之
疏地方若睹再生也回申本府詳批事干具

題仰州再議確報又該潁州李知州復吊州衛

末文卷詳加參考覆看得潁州衛代運之苦雖
溯自成化年間而奏訴疊案未嘗一日相寧今
該衛困苦疲累勢若水火之厄急求甦息茲奉
明旨已示除豁豈容再誤緣

祖宗舊制京操邊操二差屬之河南衛所而無運糧
之差南直衛所例派京操運糧而無邊軍之差
節次府州勘明云均爲

朝廷赤子豈可令其偏累等語歷歷猶在也且一時
權宜非係

祖制則窮極思變勢所必然及查原代運鳳陽等衛
彼時止一混撥船二十五隻到潁衛原無代某
衛船若干的數竝不可考本州竊據見聞議撤
派船以原船撒派鳳泗等衛恐此推而彼不受
終成畫餅不如撒派米之爲便潁川衛舊運輝
縣粟米八千石皆在小灘交兌大約粟米船隻
中都一總內鳳陽中等衛宿州衛約粟米船百
餘隻每隻撒派數石代運衆擎易舉况遮洋山
東二總內又有粟米船千餘隻乎皆可飛撒

潁川原運船十無二三將見船并缺船底料銀
解還工部則鳳衛無撒派之擾潁衛脫水火之
厄百年不結之勘合亦可從此結矣惟是潁川
京邊諸差業已用其二可緩其一就彼諸衛食
毛踐土用是寬於昔宜償於今又經回申該本
府晏知府看得救弊先極定制蘇困要去大甚
直隸諸衛運差不得呼籲乞免者止一京操耳
未有京邊兩操旣派復扼運差以重其困如潁
川衛者况漸積百餘年亦窮極必通之會而煌

煌

明旨亦云既有京邊兩操差役如何又代南直運糧
欽哉議妥之

德諭蓋明以豁運解懸之恩挈以予潁川衛矣敢無
議而處此先議者主未減非不暫行之以權宜
一時而未著成法減未幾而銜尾之櫓聲隨繼
後議者主派船然此任推之以思憩一肩而彼
無坐認未行而額糧之載運復故減存派船之
說勢在必窮人移事改去疾留根毋怪奏

請額

天者五控訴乞憐者三也策將安出職計其代運之
船不過二十五隻所運輝縣米不過八千石而
筭直隸衛所運船則盈百盈千以八千石之米
洒載飛運千百之船每隻不踰數石如毫末之
附馬蹄何足爲有爲無是合之則獨力難肩分
之爲衆擎易舉卽不必在撒於遮洋山東幫船
亦有餘地况二總千餘船隻又自在乎且得以
見船二十五隻總赴工部廠下而以每隻二十

四兩之料價又歸併以待用與督造之廠一舉而衆善備焉是所爲不累衆不累獨而於

國運有濟潁衛之水火可脫矣回詳潁州道轉詳訖卑衛逐一查明擬合呈報等因具呈到府該本府署印劉同知覆查看得潁川衛代運之累疊勘已明及查代運之船二十五隻所運輝縣粟米不過八千石而筭直隸運船則盈千盈百以八千石之漕米洒派千百之運船每隻大約不下數十石如九牛之增一毛此則衆孽易舉

其法至善况遮洋山東二總內又有粟米船千餘隻皆可飛撒也潁川原運船十無二三將見船并缺船底料銀解還工部廠下此則鳳衛無撒派之擾潁衛得脫水火之厄矣等因具呈到道該本道覆看得事必遵制則無敝法不通變則必窮竊照潁川衛之有京操與邊操也猶之鳳泗等衛之有京操與運糧也均二差也潁川衛之不得復派運糧也猶之鳳泗等衛之不得復派邊操也均之止於二差也突至成化年間

類衛被鳳泗等衛告攀運糧派運軍二百五十
名運船二十五隻是二差之外增爲三矣况後
來又重之以新軍二百名代揚州衛京操乎甚
非制矣浸假日久鳳泗等衛相徂於百餘年之
常規類川一衛獨受其百餘十年之偏累如以
孱弱之人而負重擔力不能支有走且仆耳無
怪該衛官軍之屢有潰

奏而張邦紳等復爲控額也此誠窮則變之時矣
况先年加派未奉部文今次會議奉有

明旨豁除當不俟再計矣所云議妥議運糧耳既不
可仍責之類軍以重其困又不便復還之南軍
以滋其擾惟有計運船二十五隻原派載運輝
縣米八千石皆在小灘交兌今議卽撤之中都
山東遮洋三總內同在小灘兌運之船約千餘
隻每船撒派數石數亦不多委集衆擊易舉在
類軍無代運之嗟在鳳軍亦無歸運之擾而在
衆船不過毫末之加不見有派運之苦至議原
船二十五隻存者還之工廠壞者納其底料計

莫便焉法莫善焉此一舉也可以不失

祖制之舊可以濟時勢之窮可以蘇穎衛之倒懸此復

皇仁之恤及衛軍爲不淺矣此叅酌於鳳陽開封二府及潁州之議而爲之者也合行會呈伏乞詳奪等因具呈到臣案照先准戶兵二部咨俱爲前事已經案行潁州睢陳二道查議去後今據前因該臣會同總督漕撫都察院右都御史兼戶部右侍郎郭巡按直隸督理漕儲僨運

監察御史何

巡按河南監察御史鮑

看得

國法原有定制行法者間有權宜權宜久致簡有重輕變通之道所當急講也如潁川衛之有京操邊操鳳陽等衛之有京操運糧此定制也以鳳陽運差今潁川代運二十五隻此權宜也久假不歸又重之以代揚州京操數差埤遺於一軍苦悴莫支不平之鳴所繇屢籲未已也今奉明綸議妥具奏該道府再四籌度原運勢難歸復南

軍另派未免僉軍定餉議將所運輝縣米八千石撒之鳳陽山東遮洋衛所同在小灘兌運在各總所加不過毫末在潁軍便釋重累仍將原船存者還廠缺者納價復

祖宗畫一之制蘇疲軍水火之厄通變濟窮計無善於此者既經兩道議詳前來相應具

題伏乞

勅下戶兵二部覆議施行庶

祖制復而衛困蘇

國運京邊二操永無礙矣

天啓七年九月二十一日具題奉

聖旨這潁川衛代南軍運糧既經議妥着遵祖制卽與豁除以蘇軍困其原運輝縣米石撒派鳳陽山東遮洋衛所兌運餘依議該部速覆行

解進年分贓罰疏

題爲仰遵

明旨請乞

特懲貪競之風以肅官常以飭吏治事據河南布政使司呈蒙臣憲牌前事照得本院贓罰每年額解銀四千兩二次起解除天啓六年以前俱已解完所有天啓七年上半年銀兩已行各屬馳解該司類齊合行委官起解牌仰本司卽將所屬解到贖銀委官解赴戶部交納以爲天啓七

年上半年額解之數仍將解銀日期委官職名
報院以憑具

題施行蒙此行據本司巨盈庫開報收完各府州
縣解到本院贖銀二千兩例應起解已如數兌
交太康縣典史白帥張於天啓七年九月十九
日起解理合呈報等因具呈到臣查得臣衙門
每年額該解

進贖罰銀四千兩分爲上下兩半年二次起解除
天啓六年以前解訖今照天啓七年上半年額

該銀二千兩例應解

進今據該司呈報前銀業已差委太康縣典史白
師張於天啓七年九月十九日給文起程前赴
戶部交納外今將前解銀數及委官職名起程
日期理合具本題

知

天啓七年九月二十一日具題奉

聖旨戶部知道

縣官給繇疏

題爲給繇事據河南布政使司呈報彰德府安陽
縣知縣李兆四川順慶府西充縣人繇進士天
啓三年十二月內除授彰德府林縣知縣天啓
四年二月二十二日到任天啓五年三月內調
繁今職四月二十九日到任扣至天啓七年正
月二十四日連閏實歷俸兩任共三十六箇月
三年任滿汝州郟縣知縣曹國賓陝西西安府
華州人繇舉人天啓元年四月內除授山東濟

南府臨邑縣知縣未任丁母憂服闋復授今職
天啓四年四月十一日到任和至天啓七年三
月十一日連閏實歷俸三十六箇月三年任滿
開封府陳留縣知縣韓一良陝西西安府澄城
縣籍山西平陽府洪洞縣人繇進士天啓元年
四月內除授今職本年六月初八日到任和至
天啓四年五月初八日止連閏實歷俸三十六
箇月三年任滿已經給繇外又自四年五月初
九日起和至天啓七年四月初九日止連閏又

實歷俸三十六箇月六年任滿陽武縣知縣趙
應垣直隸保定府完縣人繇舉人天啓四年二
月內除授今職本年四月十八日到任和至天
啓七年三月十八日連閏實歷俸三十六箇月
三年任滿南陽府南陽縣知縣李完四川順慶
府西充縣人繇進士天啓三年十二月內除授
汝寧府西平縣知縣天啓四年二月三十日到
任天啓五年四月內調繁今職本年六月十二
日到任和至天啓七年二月初四日連閏實歷

俸三十六箇月兩任三年任滿汝寧府光州商
城縣知縣廖大亨雲南臨安府建水州籍江西
臨江府清江縣人繇進士天啓四年四月內除
授今職本年七月十二日到任扣至天啓七年
六月十二日連閏實歷俸三十六箇月三年任
滿開封府扶溝縣知縣丘登階山東萊州府鰲
山衛人繇恩貢天啓四年四月內除授今職本
年七月二十六日到任扣至天啓七年六月二
十六日連閏實歷俸三十六箇月三年任滿俱

例應給繇等因具呈到臣俱經批司覆覈去後
今據該司呈稱查得各官三年任內承委事件
問理刑名俱各完結並無粘帶不了亦無被參
住俸等項違礙情弊經督夏秋起運錢糧補祿
王糧及每年額派班匠統契新餉抽扣等銀完
及分數實政六事遂款全修又據委官查盤各
官積過穀石俱已足額本司覆覈相同所據各
官給繇相應准從拜造冊揭開註考語起送到
臣該臣會同巡按河南監察御史鮑從公

考覈得安陽縣知縣李兆英標玉樹臨風識力
吳鈞出匣萬塵春暖百里塵清郊縣知縣曹國
賓宅心純朴不離操持晶瑩無染四郊露潤一
庭風清陳留縣知縣韓一良渾金重器執玉小
心政勤案牘無塵令肅廉威自著陽武縣知縣
趙應垣貞操松筠比節鴻材盤錯見長吏畏神
君民歌慈母南陽縣知縣李完昂霄氣骨霹靂
風猷勞來澤鴈興歌釐剔社孤斂跡商城縣知
縣廖大亨心事晴空皎日治理甘雨和風不吐
不茹克威克愛扶溝縣知縣丘登階恢弘器宇
練達通才琴清鶴唳庭間路熟車輕政舉俱稱
職除批行該司行令各官照例復職支俸管事
外所有考覈過各官考語稱職緣絲相應題
請伏乞

勅下吏戶二部再加查覈照例考覈施行
天啓七年九月初四日具題奉

聖旨吏部知道

府佐給繇疏

題爲保留給繇府佐官員事據河南布政使司呈
蒙臣批據河南府申准本府清軍同知張應詒
關稱本職見年三十八歲直隸順德府南和縣
人繇舉人萬曆四十七年六月內除授四川順
慶府廣安州知州本年十二月初十日到任天
啓三年八月內陞授今職天啓四年六月十二
日到任扣至天啓七年五月十一日止連閏實
歷俸三十六箇月三年任滿例應給繇等因關

府具申照詳蒙批仰布政司查報依蒙行准河南按察司并清軍守巡河南各道咨牒查得本官三年任內清解過軍士完解過班匠銀兩取獲批收附卷其承委事件問理刑名俱各完結竝無黏帶不了曾經委署陝州靈盧等縣印務各照署止月日徵解夏秋錢糧完及分數積穀足額委官盤驗明白又准分守帶管分巡河南道右布政使周仕考得本官皎潔風清塵外渾涵珠媚澤中棘林鸞鳳漢代董黃稱職按察司

按察使蔣士忠考得本官英才出匣吳鉤粹品連城趙璧題輿駿望借著鴻猷稱職司左布政使王從義考得本官雄才巨艦乘風亮節孤松傲雪三軍色改萬戶歡騰稱職茲當三年任滿例應赴部考覈但本官職司軍匠操練兵馬緝剿礦徒見奉院道嚴檄操練巡警責任匪輕委難離任合照有事地方會

題保留等因起送到臣該臣會同巡按河南監察御史鮑從公考覈得河南府同知張應誥

餐冰潔守截玉銛鋒分猷萬務承風攝篆千家
覆露稱職茲當三年任滿例應赴部考覈第本
官職專清戎訓練營伍保守重地勢難離任既
經該司議呈前來相應照例保留伏乞

勅下吏部再加查議准令本官在任接俸管事將行
過事蹟造冊差人繳部照例考覈題

請施行

天啓七年十月初六日具題奉

聖旨該部知道

回報兵餉原非雜項并陝始末緣絲疏

題為欽奉

聖旨事先是臣因平遼總兵官毛文龍欲裁磁兵索
餉戶部覆行臣恐地方有事未敢遽裁冒昧具
疏控籲於

先帝荷蒙

聖旨中州為腹心重地磁兵委難議裁况餉係該省
抽扣等銀非同加派著照舊存留以備不虞該部
知道欽此臣 懇誦

明綸不勝感激大哉

聖謨其爲中州腹心地方慮計至周也未幾戶部咨
爲雜項奉

旨餉遼地方分留未便懇乞

聖明立

勅解補以無悞軍需以免累瀆

天聽事欲臣查議原留抽扣等項銀兩用之不盡仍
照前日會議奉

旨解充遼餉卽無餘剩亦當以別項解補等因題奉

聖旨這雜項銀兩奉旨餉遼河南旣經題留當以何
項解補行該省撫臣議妥具奏其各省直抽扣等
銀著急催解部仍遵旨嚴加考成不得援磁兵之
例借事請留致虧軍需都與申飭行欽此欽遵備
咨前來隨行司道查議去後今據布政司左布
政使王從義呈稱行准清軍兵備道右叅政陳
其猷牒呈看得本道所司止營兵一事耳今蒙
查議何項錢糧堪以抵補存留之數及查各營
官兵幾經酌裁議有成額值此多事之秋僅足

備用竝無冗員冗役可裁亦無別項冗費可省
似宜仍舊有難更議者也等因牒司又准分巡
河北監軍道右叅議祁承燁牒呈看得雜項奉
旨所以供餉遼之用而中州

題留所以養聽調之兵總之皆殫力注精以備關
門之緩急者也然

廟堂旣念中州爲腹心之重地而允留雜項則中州
又安敢不體戶部爲供遼之急需而漫言無措
手惟是中州向不設兵而設兵於磁營者自天

啓元年奴氛之孔急始卽設兵亦竝不派及於
地畝而裁扣抽扣優免屯糧四項之議正爲中
州之養兵始則是此雜項之錢糧原因養兵而
始議扣議加此與海內之因餉遼而始議裁議
抵者事體原不相侔况在營之兵兩次裁汰之
後已減初設之半而在官之役幾番抽裁之餘
尙多議覆之申若營中計事而定之官計官而
給之餼幾於數米而炊兼人而役矣又安有可
裁可汰之員役哉卽此原議之銀一歲僅充一

歲之事而地方之徵解稍有不時此那彼借已不免剗肉療饑之苦矣他不具論卽前日奴酋困錦州而逼寧遠一日之間再奉整兵秣馬旦暮聽調之憲檄而一切安家行糧器械馬匹之用此項竟無所措手不得以允留之雜項先爲應卒計然此乃各兵月月所需之餉也猶之八口之家止此升斗之儲旣欲恃此以爲朝饔而欲移此以爲夕飧遑遑乎已不能給朝夕而尚欲責其通有無而補不足雖至巧者不能本道非不知戶部議補之議原爲軍

國萬分之亟需而臣子急公之心豈無邊疆一體之緩急實係屢扣屢加屢按屢括之後真無一毫可以仰佐持籌之至計者然職終不敢以空言應也於萬不可裁之中而曲爲節省之事則涓滴之餘亦滄海之所納惟在藩司之斟酌而已等因到司該本司會看得兩河當天腹心磁州爲中原門戶是以設立三營備兵操守練貌貅於省直之交壯藩屏於咽喉之地應用廩

餼不敢議及加派止於本省裁扣抽扣優免屯糧四項題爲養兵之用原與別省雜項餉遼者不同也今三營各兵兩經澄汰存者強半司操武弁兼事而設僅可足用委無冗役冗員可裁也卽前四項奉

旨允留如戶部坐派抽扣銀七萬二千五百四十三兩本司坐派裁扣銀六萬五百四十三兩抽扣銀一萬二千兩僅足部額屯糧部用坐派銀二萬六千六百八十七兩一錢五分二釐八毫本

司坐派止二萬二千二十四兩八錢五分九釐部用懸坐銀四千六百六十二兩二錢九分三釐八毫優免部用坐派銀四萬兩本司坐派止一萬九千五十九兩四錢七分部用懸坐銀二萬九百四十四兩五錢三分其懸坐額數二萬五千六百二兩八錢二分三釐八毫業奉戶部改正外實派銀十一萬三千六百二十七兩三錢二分九釐天啓五年五月二十九日准戶部咨將前銀以後每年扣解銀四萬兩解充遼餉止

存銀七萬三千六百二十七兩三錢二分九釐
內除歸德府奉文添設防兵工食銀九千九百
一兩三錢二釐河南南陽二府汝州下班毛兵
工食銀三千六百五十二兩四錢二分七釐又
嵩盧多事添設防兵工食銀一千八百兩圍宿
各兵工食銀一千七百二十四兩九錢五分
擊委官齎棒路費銀二十兩其餘實在總計
過五萬六千四百二十八兩六錢五分爲數
自不多尚難足用誠如該道所謂數米而炊

肉療饑者也日三韓告急屢奉部檄旦夕聽調
其安家行糧器械馬匹等項原未額設無從措
處卽此允留數內權宜那借以濟眉急又安有
長物而留備不時之需者乎夫奴孽西犯中外
同讎咸欲滅此朝食况值公私交匱臣子急公
之念靡不加意樽節以仰副大司農之急但中
原之不可去兵

廟堂業有明見而錢糧止有此數去食卽是去兵雖
邊疆與腹心均重而措餉與養兵同急本司再

四籌度計無復之合無將省磁營兵再行澄汰
各官量爲酌減極力裁省於內措處銀四千兩
解部少佐關門涓滴之需第恐以後錢糧不繼
本省武備日見單弱又不勝杞人之憂焉詳乞
本院通融酌處兩利而竝存之庶幾重封疆之
念與爲地方之念均有攸賴矣等因具呈照詳
隨該臣批據申雜項原無贏餘去餉必須去兵
亦知爲不得已之計若不另行議補而但恃澄
汰卽極力裁省爲數幾何當今關餉告匱司農
仰屋同爲臣子豈忍秦越視之仰司再加細查
不拘何項但可那移補

題留之額者盡數查出報院具

題方見臣子急公之心勿得延緩批行去後又據
該司呈稱該本司覆看得遼餉告急事在燃眉
凡爲臣子者誼切纓冠靡不欲極力設處上紓
我

皇上宵旰之憂仰體大司農措辦之苦第中州屢經
括索物力久已罄竭曩

題允留雜項以爲養兵之需是慮周彙士捍衛腹
心之至計也近奉部院嚴檄催取前項兵銀湊
濟遼餉那動別項處補急如星火無米之炊巧
婦實難然又不敢以空文應也不得已仍於省
磁官兵澄汰節省銀四千兩少佐涓滴蒙批前
因該本司逐將見在庫銀備細覈底梭括查得
祿米支剩等銀共湊六千兩連前通共一萬兩
以濟關門之急夫此數項不係雜項亦非兵餉
乃節年寸積絲累節省齎銖僅可苦應冷歲此

外再無毫絲可那解者以後每年照舊解銀四
萬兩以湊額數矧此中外匱詘公私交困三韓
士切枵腹兩河兵難益汰庫藏若掃措處維艱
不得不爲那東補西之計結此竭澤焚林之局
者也合無請乞詳示特爲具

題將此一萬金解部湊餉以後每年仍照原解部
四萬兩以爲往例雜項之數等因具呈到臣該
臣看得天下之事急則治標此通理也今天下
之利害孰有急於榆關而又孰有急於榆關之

餉者乎頃以毛帥欲撤內地之兵而戶部擬移
中州之養兵者以餉海外而磁管有聽調之

旨故臣欲仍留雜項之解部者以爲治兵總之所謂
急則治標之說也夫治標之法雖有不同或攻
其所有餘或補其所不足然要以通一身之脈
絡而調四體之盈虛則一也今

廟堂之上事事爲

宗社之安危念念切疆場之利害一切軍儲有呼必
應無隙不周臣獨非冀天復地而爲臣子者乎

何敢不與戶部切一體盈虛之意况蒙

先帝之特恩念及於中州爲腹心重地而允其存留
則臣正當以重地之故凡可以仰佐司農之緩
急而少效

國計之涓埃者益當倍竭其體

國急公之義矣臣隨遵奉

明旨再三督令司道多方梭剔必求補解之銀可當
允留之數而其如屢裁屢汰屢梭屢括之後行
伍之寥寥帑藏之濯濯據司道諸臣之言直有

朝不及夕者然終不敢以空文應也今於磁營
澄汰節省銀四千兩於司庫兜底撥括銀六千
兩共銀一萬兩少抵

題留之餉在司道已爲絕流之漁而在臣尚以爲
杯水之酌也其濟幾何至明歲司庫無可撥括
仍於兵餉內節省一萬兩抵補夫以必不可減
之兵而議減以原非雜項之餉而抵餉臣豈不
知司帑竭澤之狀地方捉襟之形而不暇爲瞻
前顧後之計者總之不敢虛何項解補之

明旨是臣所竭蹶奉行之心也然而部咨之原議臣
疏之乞留其始末源委尤不敢不備陳於

皇上之前蓋中州通省奉戶部題

准改正四項之銀實止十一萬三千六百有奇而天
啓五年五月間戶部咨將前銀扣解四萬兩以
充遼餉其餘七萬三千六百餘兩仍聽中州練
兵設防之用是戶部之所望於中州者似宜信
前咨而止在此四萬之數不在此七萬之銀也
及該部題覆毛帥之疏始欲盡撤中州之兵而

臣以中州去兵則安危治亂所關非淺故不得不具疏籲懇然所欲仍存者亦止在此七萬之銀而并及其原咨之四萬者蓋因正當秣馬繕兵以候徵調之時其一應安家行糧衣裝器械無可措手故并欲留此以應目前之急着亦以發兵之錢糧總爲戶部之正務此暫而非久者也中州之兵不調臣自當以暫留者解補以足原咨四萬之數此於該部無分毫之虧而於中州有應卒之備是臣區區臨事之苦心也至於

原咨四萬之數臣亦

謂立畫一之規夫抽扣裁扣陸續之起解不時而優免屯糧徵收之期會有定今查得加派屯糧銀二萬二千二十四兩八錢五分九釐優免仍徵銀一萬九千五十九兩四錢七分二項共四萬一千八十四兩三錢二分九釐於該部原咨之數已浮一千有餘徑令布政司每年總解戶部止剩抽扣裁扣二項銀七萬二千餘兩除再每年解部一萬外仍照前存留爲中州之餉如此

則頭緒既清款項各別參罰既有定屬州縣不
得推諉庶抵餉常盈而臣實亦少逭矣今經司
道議呈前來臣又參酌相應具

題伏乞

勅下戶部覆議上

請行臣遵奉施行

天啓七年十月二十六日具題奉

聖旨戶部知道

續解工銀兩疏

題爲續解工銀事據河南布政使司呈蒙臣牌照
得

大工雖已落成然積欠商價尚多當事者望外解甚
切查本院陸續奉有

明旨款項皆已隨

題隨解恐其中尚有續報者不妨催取以資急需
牌仰本司即便再查原行如衛輝懷慶南陽三
府未報鄉官捐助及各事例俱馳檄所屬催促

火速解司事完該司具收過項數呈報兩院以
憑

題解蒙此又據本司經歷司呈抄蒙巡按河南監察鮑御史牌同前繇抄呈到司遵行各府去後
今查得收完衛輝懷慶南陽三府屬縣并開封
府續報原延蘭三縣潁川衛鄉官捐助銀八百
一十五兩又充附例銀六千三百七十兩遙授
大使例銀四千兩吏農例銀一千兩理宜起解
等因具呈到臣該臣會同巡按河南監察御史

鮑
看得

殿工告竣需費尚殷臣等體

國之心未嘗時刻敢忘檄諭所司嚴行催督未完
今據報有各府續解里居諸臣捐助銀八百一
十五兩續收三項例銀一萬一千三百七十兩
通共一萬二千一百八十五兩雖爲數無幾亦
足少補商價之萬一矣業行該司將前銀委官
解交工所外合行具

題伏乞

勅下該衙門俟銀解到之日照數查收施行

天啓七年十月二十六日具題奉

聖旨這助工銀兩着內庫照數查收該部知道